

急難應誦念此呪無能作衰惱者

復次阿難若有受持讀誦此呪如上天龍鬼神二十八部人非人等不能越犯此呪鐵輪金剛輪當為作苦患令頭破作七分四方四維上下若有於此人起惡心者悉皆繫其毒心令不發起是善男子善女人應善讀誦執持奉行

佛說大普賢陀羅尼經

羔九

佛說大七寶陀羅尼經

舊失譯師名開元附梁錄

如是我聞一時佛在祇樹給孤窮精舍佛告

阿難汝受持此大七寶陀羅尼呪爾時世尊

即便說之

寫地也 貸曇 坻閣 律提 波羅若

波羅式又仇拏 比茶

阿難若有受持讀誦修行此陀羅尼呪盡其形命一切怨仇能令歡喜火不能燒刀不能

傷水不能溺無方道鬼魅所持若天龍阿脩

羅乾闥婆乃至人非人等阿難此七寶呪若至水火中若怨賊中若食毒若方道毒應念此呪若怖畏毛豎等悉得解脫以毗婆尸佛威德尸棄神力比尸婆智慧拘婁孫佛力迦那牟尼戒迦葉功德釋迦牟尼精進令一切眾生悉除怖畏令得安吉爾時阿難聞佛所說歡喜奉行

佛說大七寶陀羅尼經

七

六字大陀羅尼呪經

舊失譯師名開元附梁錄

如是我聞一時婆伽婆住王舍城耆闍崛山中與大比丘眾五百人俱爾時長老阿難為旃陀梨女呪術所收爾時長老阿難白佛言世尊我今強為他收去婆伽婆我今強為他收去修伽陀爾時婆伽婆告長老阿難言汝來阿難汝莫

驚怖阿難汝當受持六字大陀羅尼呪為令
四眾利益安隱安樂吉祥行故而説呪曰

斯須何地除餘梯吐管曇徒紺安於軒茶徒

天餘般茶徒嫁餘葛羅馳除寄誓由餘

薩帝婆帝 耶賒婆帝 底闍婆帝 頻頭

摩帝

阿難是呪能令宿食不消尋得消化能除吐
下等病能除風病熱病冷病雜病能滅一切
諸邪呪術能滅起屍能滅一切形像厭蠱
阿難若有人知此神呪姓名者彼則不怖畏
王難不怖畏怨敵難不怖畏賊難不怖畏火
難不怖畏水難若於城邑聚落及在曠野悉

無所畏亦不為他人伺求其過無過可説若
食毒藥毒不能害轉為利益

阿難此六字大陀羅尼呪乃是七三藐三佛
陀所説亦是梵王娑婆主釋提桓因四大王
所説亦皆隨喜破諸呪術消伏起屍一切形
像厭蠱皆悉破壞斷滅長老阿難聞佛所説

歡喜奉行

六字大陀羅尼呪經

羔九 八

佛説安宅神呪經

失譯師名出後漢錄

如是我聞一時佛住舍衛國祇樹給孤獨園

與千二百五十比丘皆阿羅漢諸漏已盡身
心澄靜六通無礙其名曰大智舍利弗摩訶
目捷連摩訶迦葉摩訶迦旃延須菩提等復
有菩薩摩訶薩八千人俱文殊師利菩薩導
師菩薩虛空藏菩薩觀世音菩薩救脫菩薩
如是等菩薩摩訶薩威德自在復有比丘比

羔九

九

丘尼優婆塞優婆夷天龍夜叉八部鬼神共
相圍繞説微妙法時有離車長者子五十人
俱身坐塵土懷憂愁感猶如有人生失父母
所愛妻子來至佛所頭面作禮却住一面
爾時世尊知而故問諸長者子以何因緣而
有惱色憂愁不樂失於常容時諸長者子同